

西北史地文獻 第六卷

中國西北文獻叢書
· 二編



中國西北文獻叢書二編·第二輯

西北史地文獻

第六卷

甘肅省古籍文獻整理編譯中心
編

本卷目錄

那文毅公奏議 二〔清〕那彥成撰……………一

【清】那彥成撰

那文毅公奏議

二

〔清〕那彥成撰。那彥成，字繹堂，章佳氏，滿洲正白旗人。是書八十卷。清嘉慶時那彥成在新疆伊犁、喀喇沙爾（今焉耆）、葉爾羌（今莎車）、喀什噶爾（今喀什）等地任職多年。道光七年（一八二七年），清軍平定和卓後裔張格爾之亂後，那彥成以欽差大臣直隸總督身份赴南疆籌辦善後，奏事百餘件，對新疆內外政策提出不少改革性建議，涉及政治、經濟、軍事、文化、外交等，以圖革除時弊、整頓邊防、發展生產。有關新疆奏章主要集中於後八卷。

邨文毅公奏議

那文毅公西臺辦事大臣奏議目錄 附官階

卷十五

勦捕野番

卷十六

勦捕野番

籌辦善後

卷十七

搜捕餘賊

敘績保薦

附議駁徐侍御條奏
附恭報交御

那文毅公西臺辦事大臣奏議

目錄

一

官階

嘉慶十一年正月二十五日由伊犁度所

擢授三等侍衛爲伊犁領隊大臣

嘉慶十一年三月二十日

擢調喀喇沙爾辦事大臣

容安謹按伊犁領隊大臣喀喇沙爾辦事大臣

各任均循例奏件故不贅錄

那文毅公西臺辦事大臣奏議

卷十五

一

那文毅公西盭辦事大臣奏議卷十五目錄

卷十五

勦捕野番

那文毅公西盭辦事大臣奏議

目錄

那文毅公西寧辦事大臣奏議卷十五

男 容安纂輯

勦捕野番

嘉慶十一年五月初六日

擢調西寧青海辦事大臣

容安謹按先是西寧辦事大臣貢公楚克札布

奏野番搗哨族番目尖木贊之姪克什搶劫蒙

古牲畜及堪布喇嘛牛隻

上命貢楚克札布甘州提督百祥帶兵勦辦雖獲連勝而

賊番仍未斂戢竟搶內地居民戕傷兵丁

那文毅公西寧辦事大臣奏議

卷十五

一

上復命奎夏將軍與公奎統轄師旅貢公楚克札布奏贊

軍情仍未就緒

上復調長公齡為陝甘總督統轄師旅以 先公

擢調西寧辦事大臣奉

命恭贊軍務

嘉慶十二年六月十三日軍機大臣字寄奉

上諭興奎奏殲斃賊番二族現在差探進剿情形一摺此

次興奎等查明貴德所屬卓色勒一族屢經做賊現又

逃往他受族下與之聚合當即派兵進剿該賊番等敢

於佔住山頂公然抗拒實為可恨經官兵分路直上不

能抵敵始行奔竄共追殺賊番一百餘名生擒三名奪

獲牛羊馬匹約計一萬有餘賊番經此痛剿挫其兇鋒

庶可稍示懲儆現在官兵探明賊番逃往何處自當乘

勝深入一鼓殄除但其餘安靜番族雖經興奎等向其

面諭令各安業不致滋事而此等大羊之性究恐無常

不可深信此時官兵追剿賊番步步深入仍當嚴防後

路或多設卡座廣為巡邏總須聲氣聯絡加意防備方

可無慮其此次奪獲之牛羊馬匹既有萬餘即當查明

失主分別給領如無失主承認即作為進剿官兵口糧

並備賞項至摺內稱前派都司邵能面諭尖木贊令其

那文毅公西寧辦事大臣奏議

卷十五

二

縛獻賊首該番目伴為應允迄今遠避不知去向風聞

有糾約各賊番抗拒之勢等語尖木贊曾經賞戴翎頂

非其餘番眾可比當此官兵查拏賊番之時並不出力

報効轉敢糾約匪眾抗拒官兵似此背恩稱亂直係叛

逆與奎等摺內祇稱其情同叛逆未免措辭失當已用

硃筆改示矣該處番賊滋事既係尖木贊為首必當設

法擒獲嚴行懲辦方可以懾服番眾且恐其糾約各族

即在後路滋擾興奎等探明該逆現在何處即當迅速

統兵進剿不可遲逾設兵力尚覺不敷不妨就近酌調

以期聲威壯盛早就肅清長齡昨已陛辭出京於何處

接奉此旨卽著馳驛前往俟到蘭州後察探情形如賊番業已辦理完竣自毋庸再往會辦設或剿辦尚在費手卽當親自馳赴該處會同興奎等熟商妥辦現在那彥成應亦將次到彼伊任同參贊當與興奎帶兵同辦貢楚克札布已放察哈爾都統伊侯那彥成到後同住數日詳細告知辦理情形卽著起程來京請訓赴任

嘉慶十二年七月十九日軍機大臣字寄奉

上諭長齡奏兼程馳赴蘭州接印督催續調各官兵迅剿賊番一摺據稱興奎等續調涼州洮岷甘州撒拉爾官兵三千名前往協剿此次剿辦賊番已逾三月尙在續

那文毅公西寧辦事大臣奏議

卷十五

三

調官兵自係辦理未能得手等語前據興奎等奏剿辦三族賊番殲擒賊匪多名奪獲牛馬羊隻一萬有零似已辦有端緒今遲逾數月之久又經續調官兵迄未辦竣看來尙無把握貢楚克札布尙未經歷行陣於軍旅之事本未嫻習興奎雖經從事戎行但未統率師干獨當一面恐於剿捕機宜亦未能深悉長齡會經督兵剿辦教匪宣力行間那彥成亦曾帶兵打仗所有剿捕賊番一事自能斟酌會辦長齡馳抵蘭州後察探情形如興奎等在彼辦理此事並無未協卽著長齡那彥成二人幫同興奎妥爲經理貢楚克札布於那彥成到彼後

卽著起程回京請訓再赴察哈爾新任所有奏報之摺興奎列名在前長齡那彥成列名在後若興奎在彼不能得力卽著據實密奏將興奎撤回本任其剿捕事務卽責成長齡那彥成二人專司辦理所有奏報之摺長齡列名在前那彥成列名在後倘伊二人自揣辦理未能裕如不妨奏明另請添派大員前往會辦以期迅速集事惟是野番族類繁多此次督兵進剿祇須懾以軍威令其實在畏懼將在逃賊目縛獻並探明朱八崖地方將尖木營拏獲治罪卽可撤兵亦斷無將賊番概予駢誅之理長齡惟當酌量情形熟籌辦理俾邊境永臻寧謐方爲妥善

那文毅公西寧辦事大臣奏議

卷十五

四

嘉慶十二年七月二十四日軍機大臣字寄奉
上諭興奎等奏連次攻剿賊番及酌籌添調官兵各緣由一摺覽奏俱悉此次賊番在甘壩竹壩等處恃險抵拒經官兵節次攻擊殲斃賊番數十名餘賊狂奔肆竄看來已就窮蹙據摺內稱賊番等不過倚仗馬力善於登山涉險此外實無伎倆等語現在隨營馬隊官兵恐不甚得力雖有格布舍在彼帶領但僅伊一人督率未免太少現已另降諭旨由京揀派東三省曾經出師年力精壯技藝趨捷之侍衛章京數名馳驛前赴西寧交與

那文毅公西巡辦事大臣奏議

卷十五

五

奎等酌派領隊俾資得力俟剿辦賊番完竣即將該侍衛章京等留於彼處交長齡那彥成以營員補用倘該侍衛章京等到彼後軍務業已告蒞亦著留於該處以相當之缺補用至賊番尖木贊既不能縛賊自効膽敢於揣咱等五族內挑出騎馬番子七百餘人預備抵當官兵即屬叛逆必當痛加殲戮以示懲儆即使該犯畏罪乞命投誠亦不得稍從寬宥此時長齡那彥成俱將次到彼惟當與奎酌籌妥辦以期永靖邊圉又據奏現在所帶之兵已有四千五百名除分撥外尙覺不敷請添調涼州兵一千名甘州兵五百名洮岷各營兵一千名等語此次剿辦番賊原應厚集兵力懾以軍威以期一鼓集事著照所請辦理惟所稱撒拉爾回民情殷報効請將該土司挑備回民五百名調赴軍營一節殊可不必撒拉爾回民素性貪利並非誠心幫助官兵且亦難於駕馭竟當停其徵調仍諭以伊等情殷報効向屬可嘉現經據情代奏已蒙俯鑒惻恤惟賊番勢就窮蹙此時大兵雲集即日掃穴擒渠毋須復藉爾等協剿且路途遙遠跋涉不易無庸整備聽調以示體卹其陣亡之把總馬希堯著咨部賜卹此外有無傷亡官兵並著查明咨部分別卹賞又據另片奏奪獲牛羊數目共

那文毅公西巡辦事大臣奏議

卷十五

六

計十一萬有零除調取犒賞外俟軍務完竣飭令變價歸入軍需項下報銷等語殊未得體此項牛羊若查問事主給還恐該蒙古等不免以少報多希圖冒認轉致不敷現在既交慶旻收管即著該道員查明細數交長齡那彥成先儘接濟兵食再酌賞軍營出力官兵如有餘剩俟剿辦賊番事竣後傳旨分賞衆蒙古俾伊等共知此項牛羊本應入官今格外施恩賞資伊等自必倍加感激也

嘉慶十二年七月十八日

奏爲恭報馳抵平番並陳軍務情形事

臣自喀喇沙爾

交印起行後行抵哈密知有西寧用兵之事又於

甘州接奉由興奎等轉行

諭旨蒙

恩令臣參贊軍務當即兼程行走於七月十五日馳抵平

番平番去省不遠臣急欲細知蒙番情形因先期

與藩司蔡廷衡彼此知照均於是日齊到據蔡廷

衡將一切情形備細告知又於甘涼途次節接軍

營西寧道慶旻來信云連日大軍進剿屢獲勝仗

惟尖木贊於六月二十八日率領五族番衆悔罪

投誠情願隨營効力並呈獻牛羊隻忽於是日夜間

又復驚逃我兵連日窮追等語次日又來信云七月初九日據多爾才溝所安軍臺原派外委馬友等稟報忽有二三十賊番將軍臺馬匹鍋帳全行搶去並戢傷兵丁二名賊番皆在沙溝一帶搶掠等語臣伏讀屢次

上諭均皆

飭令大兵必須齊集進剿務使軍威壯盛一鼓成功更須肅清後路最為緊要今果後路糧臺被劫誠不出

聖明所料仰見

皇上廟算如神洞悉軍務臣不勝欽佩之至現在續調甘

肅文毅公西寧辦事大臣奏議

卷十五

七

涼之兵恰過貴德前進臣即飛飭涼州鎮吳廷剛會同慶旂酌留一半在各臺往來巡邏其餘仍帶赴大營隨征而興奎等已於大營內撥回兵丁四百名慶旂又移調西寧兵二百名刻下聲勢連絡賊番已去後路無虞可以請免

聖厘臣兩三日內亦可馳到西寧貴德一路躉為料理後

路督臣長齡不日計可到來容臣等先將一切事宜通盤籌算計出萬全務於八九月下大雪以前

可以撤兵肅事以仰慰

聖懷至臣屢獲重譴今蒙

聖恩成全俾同參贊之任臣惟有竭盡血誠悉心贊理以

期仰報

皇上高厚鴻慈於萬一容臣到任後再行專差齎摺恭謝

天恩謹

奏

嘉慶十二年八月初一日軍機大臣字寄奉

上諭那彥成奏馳抵平番探報軍務情形一摺覽奏俱悉那彥成於甘涼途次節據西寧道慶旂稟稱大軍進剿番賊屢獲勝仗惟尖木贊於六月二十八日率領五族番眾悔罪投誠忽於夜間又復驚逃並據多爾才溝所

那文毅公西寧辦事大臣奏議

卷十五

八

安軍臺外委稟稱賊番二三十人將軍臺馬匹鍋帳全行搶去戢傷兵丁二名等語賊番尖木贊既不能縛獻賊匪自効乃率領五族投誠旋又驚逃並搶劫後路糧臺戕害官兵可恨已極該犯逞其狡猾伎倆甘心叛逆心當迅速擒獲明正刑誅即使該犯果誠心乞降亦不得稍從寬宥此時那彥成諒已早經到彼長齡計亦馳抵該處惟當與興奎熟籌妥辦以期永靖邊圉又據摺內稱務於八九月下大雪以前撤兵肅事等語所見甚是番眾族類繁多良莠不一此次剿辦賊番祇須將滋事不法之徒加以懲創並將賊目尖木贊擒捕就獲按

律辦理俾番眾震懾軍威即可撤兵了事非必欲掃穴
駢誅將番族概行殲洗若辦理稍有遲逾或致大雪以
前尚未竣事豈不日久稽延徒煩兵力與奎等惟應趕
緊勦辦尅日撤兵戴事方爲妥善至該處勦辦情形與
奎等於前月初二日奏報後直至二十四日始續有奏
報且此次那彥成所奏尖木贊投誠後忽又肆劫之處
均未據與奎等詳悉具奏殊屬疎畧朕屢念軍務情形
無時或釋著長齡那彥成到彼後先將勦辦大概情形
據實具奏此後並著每隔數日奏報一次以慰廑注

嘉慶十二年八月初六日軍機大臣字寄奉

那文毅公西寧辦事大臣奏議

卷十五

九

上諭長齡奏遣程前赴西寧並陳軍務情形一摺據稱勦
辦賊番自進兵以來節次奏報殲獲甚多所獲牲畜計
十一萬有餘覈對人數賊數多寡懸殊其中恐不能分
別良莠轉致正賊遠颺無辜被戮等語所奏甚是恐不
能免此弊前經節降諭旨令與奎等查明番族實在滋
事不法者按名懲辦懾以軍威便可撤兵了事原無將
番眾概予駢誅之理况番族窮苦多疑素以牲畜爲命
今奪獲牛羊馬匹至十餘萬之多恐失業番民因餬口
無資難保不於戴事撤兵之後又復潛至蒙古地界乘
間劫掠彼時又須調兵緝捕輾轉勦辦伊於何底且番

族性情剽悍言語不通若不設法安撫善長殄除兇暴
必致相率驚疑豈竟聚而殲洗兼之番境氣候早寒地
勢險峻亦不值疲勞兵力日久稽延此時那彥成早經
到彼長齡亦馳抵該處惟應與與奎酌量情形通盤籌
畫或於大雪以前暫緩進兵或可設法懲辦即日竣事
之處總需計出萬全一勞永逸朕亦不爲遙制倘與奎
從前辦理未能妥協不可意存迴護至尖木贊先率五
族乞降旋又竄去一節已據那彥成奏及野番族類繁
多亦未必盡聽尖木贊一人指使但該犯膽敢叛逆自
應嚴緝重懲即使悔罪投誠亦不得曲從寬宥有一俟該

那文毅公西寧辦事大臣奏議

卷十五

十

犯就獲後按律辦理庶番眾咸知欽戢不致伺隙滋擾
與奎等當相機籌辦以期永靖邊圉方爲妥善

嘉慶十二年八月初十日會同寧夏將軍與公奎

陝甘總督長公齡察哈爾都統貢公楚克札布

奏爲等馳抵軍營查明辦理情形並現在會籌勦撫

機宜事竊臣長齡前自蘭州拜摺後即日起程於

前月二十九日趕赴西寧與臣那彥成會晤即由

貴德一路出口馳赴軍營行至多格賴瑪地方適

與奎貢楚克札布已由甘壩移師前來臣等相晤

後面詢辦情形並知與奎等現在派令副都統

格布舍提督百祥總兵蕭福祿游棟雲等帶兵分路剿辦沙卜浪一族所有攻剿情形已由興奎等具

奏查青海蒙番襟處蒙古王公等苦虐其下多有投入番族之人因而勾引野番肆行搶掠以圖報復而蒙古等懦弱無能惟憑官為辦理屢年呈告請兵未遂其願因即引帶番賊入我大通地方即犯天朝邊界勢不能不動大兵伊等可藉消其積怨其實糊塗野番並未知何為內外不過惟利是圖向來辦理番案不過陳軍番地示以兵威該番等震懾自理

那文毅公西番辦事大臣奏議

卷十五

十一

投呈獻賊即可撤兵完案然兵退賊來愈辦愈甚今得仰蒙

皇上洞悉番情震赫

天威聲罪致討興奎等督師深入數月以來屢破番巢頗有斬戮現在各族作賊之人紛紛逃竄又有官受等二十餘族投誠歸命來營乞降事機尚屬順利惟查各野番言語不同性情各異其愚蠢無知真同羊犬是以每見官兵無論是剿捕何人即施放鳥鎗一經放鎗抗拒即同叛逆逆離經諄諄分別黑白亦未必家喻戶曉至彼此既經對仗牛羊牲畜

丟棄滿山亦不得不向前驅奪是以所殺者未必皆作賊之人而所獲者亦未必盡被劫之賊統此案全局而論六兵進剿雖未能大加痛剿然軍威壯盛屢次破巢馘醜已足寒賊番之膽此番撤兵後或可暫時安靜是辦理得宜在此但番族以牲畜為生既未多除其顯惡已先亡其恒產將來不能自活盜劫因而愈增是善後之難亦在於此至沙卜浪一族向稱梗化近且竟敢收留散賊負固抗拒自應加之剿辦以懾番賊而彰

那文毅公西番辦事大臣奏議

卷十五

十二

國法惟刻下番地霜雪已降泉竭草枯此後天氣愈寒瘴氣愈重人馬冲寒觸癘多致病傷因此化外無知之野番以致勞損官兵糜費

國帑實屬不值等斟酌情形與興奎主見相同倘該番族畏懼投誠即當仰體

皇上好生之心准其悔罪縛獻正賊遵

旨速行撤兵告賊所有善後事宜容臣等再為悉心籌酌以期益臻妥善再撤拉爾回兵本未嫻習紀律誠如

聖訓難以駕馭然此次從事番地與前次辦理教匪時情形又有不同緣該回民等住居河州接壤循化亦

深畏賊番搶掠志切同讐今令隨同官兵剿捕番賊無不爭先奮勇力圖報復是撒拉爾與野番互結仇讐轉可作我屏籬亦遠勝於不能振作之蒙古不堪驅使應請

旨仍將現在五百名留營剿賊俟軍務稍有頭緒即當遵旨先行撤回原處謹

奏

嘉慶十二年八月初八日會同藍夏將軍興公奎陝甘總督長公齡

奏為連日攻剿沙卜浪大族賊番並陸續投誠十餘族

那文毅公西番辦事大臣奏議

卷十五

三

番目事 臣等前將剿滅竄賊並收撫降番情形具奏在案查沙卜浪一族地近循化人數較多尋常最為兇狡且各族擊散賊番陸續逃往依附為奸倚恃地險人多敢為抗拒實為可惡 臣等再四商酌務將此族賊番痛加剿戮方足以懾眾族而申

國法 臣等於七月二十五日自細麻岔拔營移駐甘壩分路差探賊匪路徑形勢隨挑派總兵蕭福祿游棟雲由鳴楞雅哈一路進發百祥格布舍吳廷剛由三阿一路進發博勒忠阿由循化一路探剿 臣等由三扎灘一路督應據蕭福祿游棟雲稟於初

四日行抵什尖里幹遙見賊番佔據各山早有準備我兵相度地勢分路前進奈將張聯奎土司韓輝宗由右首山梁攻擊游棟雲帶同都司吳順由左首溝內直上蕭福祿帶同遊擊馬隆等由中路攻撲賊番各據險要不動適有撒拉爾數十人從陡崖盤上鎗斃賊番數名土司韓輝宗乘勢搶上山梁游棟雲之兵亦已撲進賊番不能兼顧立即亂竄滾崖跌斃數名殺斃十餘名賊番入溝奔跑又殺斃二十餘名酉刻收兵將殺斃賊番首級內認有賊目窩常旦木正首級一顆並奪獲牛馬羊

那文毅公西番辦事大臣奏議

卷十五

四

六百餘隻當即分賞官兵撒拉爾以示獎勵至次日賊番仍在汪科合大山屯紮我兵正在齊隊進攻之時突有賊番百餘人在右首山梁埋伏直衝兵隊蕭福祿等分兵兩路攻壓都司吳順帶領循化營保安營官兵同撒拉爾繞至山梁奮力攻壓賊番且戰且行我兵鎗礮齊發擊斃賊番甚多都司吳順奮勇撲入賊隊中鎗陣亡土司韓輝宗等帶領撒拉爾鎗斃賊番數名將吳順屍身搶回本日擊斃賊番多名竟日攻打未暇割獲首級初六日百祥格布舍等依期到來因霧大雪深將營盤

那文毅公西寧辦事大臣奏議

卷十五

五

暫紮初七日早賊番在沙卜浪溝林中施放鳥鎗我兵仍分兩路進攻擊斃賊番數十名拿獲一名適副將博勒忠阿之兵亦到在賊番後路攻撲鎗斃賊番二名追至賊巢我兵鼓勇直前撲至土房牆根拋擲火球燒死賊番十餘名殺斃九名沿途追趕又殺賊番三名將各溝內藏匿賊番挨次搜捕並收割麥田以絕賊糧一面由葉什冲寺追至虹霧弄地方收獲牛馬羊二萬有餘我兵各路會齊現皆佔據山梁扼要安營步步緊逼賊勢實已窮蹙等一路大營於初二等日據循化番僧昂貢帶領投誠之卓色勒他受都受瓜什濟思滿受剛咱他爾迭查那黑里沙占札干布魯日貫工麻等十二族番目俱來投誠乞命等查各番族內從前原有倣賊之人亦有實在安分之族等查其情形實出畏懼當即面為開導諭令務須守分倘再有倣賊不法之事定俱剿滅嗣後各該族中有逃回之賊立時縛獻不得隱匿隨發給執照同業經投誠之加咱等六族均行安插駐牧去訖查沙卜浪賊番現在業極窮蹙如果始終抗拒自應盡予誅除設此時能知畏懼縛賊投誠等再

當細心酌量仰體

皇上好生之仁准其歸命投誠著落獻賊正法以示儆戒即可撤兵肅事此次帶傷陣亡官兵容俟查明咨部謹

奏

嘉慶十二年八月初八日會同宣夏將軍興公奎

陝甘總督長公齡

奏臣等接奉

硃批諭旨著將撒拉爾回民停其徵調欽此等伏查前

據該土司等呈懇回民與賊番接壤亦受其害義

那文毅公西寧辦事大臣奏議

卷十五

六

切同仇情願出力等因其熟悉地勢情形是以

准其所請一面具

奏一面咨調令由保安一路就近來營到營後即令跟

隨前敵官兵打仗頗為出力今等公同商酌此

刻該回民等正隨前敵進剿沙卜浪族似不便遽

爾撤回容俟剿辦稍有頭緒即稟遵

諭旨將該回民等先行撤退酌量加賞令回原處謹

奏奉

硃批覽

嘉慶十二年八月二十七日軍機大臣字寄奉